



Infurmaziuns/renviaments per ils geniturs resp. per educaturas ed educaturs pertutgant l'examen d'admissiun 1. classa dal gimnasi da 6 onns a las Scolas medias grischunas 2018

1. Basa legala

Per l'examen d'admissiun per la 1. classa dal gimnasi da 6 onns vala la Ordinaziun davart la procedura d'admissiun a las Scolas medias grischunas (ordinaziun d'admissiun; DG 425.060). L'Ordinaziun pon ins retrair dals secretariats da las differentas scolas medias u telechargiar da l'internet. (p.ex. <http://www.ahb.gr.ch>).

2. Termin d'annunzia e data da l'examen

L'ultim termin d'annunzia è glindesdi, ils **18 da december 2017**.

L'annunzia succeda via internet (<http://www.zap.gr.ch>). La taxa d'examen munta a 100.-- frs. Annunzias retardadas na pon betg vegnir resguardadas (art. 6 al. 3 ordinaziun d'admissiun).

L'examen d'admissiun ha lieu mardi, ils **13 da favrer 2018**.

3. Emprima lingua

Tenor art. 6 alinea 2 da l'Ordinaziun decleran las candidatas ed ils candidats ensemen cun las educaturas u ils educaturs (titulars da la tgira geniturala) en l'annunzia ina da las linguas chantunalas sco lur emprima lingua, q.v.d. quella lingua en la quala els vulan far l'examen.

4. Roms d'examen

Las candidatas ed ils candidats fan l'examen d'admissiun tenor la decleraziun (cf. 3.) en

- tudestg
 - Mathematik/matematica
- resp.
- rumantsch
 - matematica/Mathematik
- resp.
- italiano
 - matematica/Mathematik.

5. Pretensiuns

Las pretensiuns per l'admissiun ad ina scola media grischuna èn circumscriittas pli detagliadamain en las disposiziuns davart las enconuschientschas preliminaras (Bestimmungen über die Vorkenntnisse). Quellas pon ins retrair dals secretariats da las singulas scolas medias u telechargiar da l'internet (p. ex. <http://www.ahb.gr.ch>).

Infurmaziuns correspudentas dattan era magistras e magisters da la scola populara, sco era las singulas scolas medias.

6. Criteris d'admissiun

Tenor art. 22 al. 1 cif. 1 da l'ordinaziun d'admissiun ston ins cuntanscher ina media da 4.5 a l'examen per reussir a l'examen d'admissiun en l'emprima classa dal gimnasi. Ultra da quai na dastgan las notas dals roms d'examen betg divergiar da la nota quatter per pli che 0.75 puncts da nota engiu.

L'emprima classa na po betg vegnir repetida. Tgi che n'ademplescha betg las determinaziuns da promoziun, sto midar en scola secundara. Ulteriurs detagls latiers chattais Vus sin la pagina d'internet www.mittelschulen.gr.ch.

7. Nota d'admissiun

Las candidatas ed ils candidats che fan l'examen d'admissiun suenter la 6. classa da la scola primara (senza in onn da scola intermediar u supplementar), han il dretg d'ina nota d'admissiun. Tut las autras candidatas e candidats na pon betg far valair quest dretg.

La nota d'admissiun vegn calculada tenor da l'ordinaziun d'admissiun.

8. Cumportament en cas d'impediments e da malsogna

- Sch'ina candidata u in candidat ha problems da sanadad u ha impediments, èsi da communitgar quai a la direcziun dal lieu d'examen sco era al secretariat per l'examen (Gäuggelistrasse 7, chascha postale 24, 7001 Cuira; steuerungsgruppe@ahb.gr.ch), cun agiuntar in attest dal medi sche pussaivel a medem temp cun l'annunzia, il pli tard però avant l'examen.
- Las candidatas ed ils candidats che na pon betg far l'examen causa da problems da sanadad imprevis u d'in accident, han da communitgar quai a la direcziun dal lieu d'examen sco era al secretariat per l'examen (Gäuggelistrasse 7, chascha postale 24, 7001 Cuira; steuerungsgruppe@ahb.gr.ch) il pli spert pussaivel, il pli tard dentant **avant** l'examen e mussar in attestat dal medi.
- Las candidatas ed ils candidats che **durant** l'examen na pon betg al cuntinuar causa da problems da sanadad imprevis u d'in accident han d'annunziar quai immediatamain a la direcziun dal lieu d'examen e purtar **il medem di anc** in attestat dal medi. A medem temp sto vegnir orientà era il secretariat per l'examen (Gäuggelistrasse 7, chascha postale 24, 7001 Cuira; steuerungsgruppe@ahb.gr.ch).
- Problems da sanadad u impediments che vegnan fatgs valair memia tard resp. posteriuramain na pon betg vegnir resguardads. Cunzunt las candidatas ed ils candidats che fan l'examen savend da lur periclitaziun da sanadad u impediments, n'han nagin dretg d'ina annullaziun resp. d'ina repetiziun da l'examen.

9. Examens supplementars

Resguardond las disposiziuns menziunadas sura (guarda cif. 7) decida la gruppia directiva examens d'admissiun davart l'admissiun a l'examen supplementar e davart la dimensiun dal tal.

Ils examens supplementars han lieu a la Scola chantunala grischuna a Cuira: **mardi, ils 13 da mars 2018.**

10. Meds auxiliars e material

En il rom d'examen emprima lingua n'èn lubids nagins meds auxiliars. En il rom d'examen matematica, 1. part, pon vegnir duvrads il circol, il geotriangul ed ina lingera.

Ilis examen ston vegnir scrits cun culli blau u nair u cun tinta blava u naira. Fieuters da pilot n'èn betg lubids. [nov].

Tut ils pensums èn da schliar directamain sin ils documents d'examen. Ilis palpiris agiuntads pon ins duvrar sin il pli per far notizias. Per la segunda part da l'examen da matematica na dastgan ins betg dar giu resp. duvrar palpiris agiuntads, perquai ch'igl è scumandà da notar resultats intermediars.

Tar ils examens èsi scumandà da duvrar meds auxiliars che n'èn betg lubids expressivamain (p. ex. calculaders da tastga, vocabularis d'ina u duas linguas, vocabularis electronics u telefonins).

A l'examen emprima lingua è il suandant da prender cun sai:

- stilograf u culli (blau u nair)

A l'examen da matematica, 1. part, è il suandant da prender cun sai:

- stilograf u culli (blau u nair)
- rispli (pensums da construcziun vegnan fatgs cun rispli), gomma, gizzarisplis, color verda (per marcar schliaziuns en ils pensums da geometria), circol, geotriangul, lingera.

A l'examen da matematica, 2. part, è il suandant da prender cun sai:

- Nagut. Ins dastga be duvrar il culli che vegn mess a disposiziun.

Ilis candidats ston s'identifitgar tar ils examens d'admissiun entras in palpiri d'identitad valaivel. (carta d'identitad, pass u legitimaziun d'esters).

11. Exclusiun da l'examen

Sch'ins fa diever da meds auxiliars nunlubids, sco era sch'ins sa deporta illoialmain vegn ins exclus da l'examen d'admissiun. Sche in candidat u candidata ha gia fatg ina part dals examens na vegnan quellas betg validadas e l'examen vegn considerà sco betg reussi.

12. Comunicaziun da la decisiun da l'examen

Tenor art. 14 da l'Ordinaziun davart ils examens d'admissiun succeda la comunicaziun davart il resultat da l'examen a las candidatas ed als candidats en scrit ed exclusivamain da la gruppa directiva examens d'admissiun. Il resultat vegn cuminutgà cun posta A cun resalva d'incaps betg previs venderdi, ils 2 da mars 2018.

13. Ulteriuras infurmaziuns

Ulteriuras infurmaziuns davart ils examens d'admissiun dattan las singulas scolas medias grischunas u il secretariat da la gruppa directiva examens d'admissiun (Gäuggelistrasse 7, chascha postale 24, 7001 Cuira, tel. 081 257 61 69).

Adressas da website dals uffizis respectivs chantunals:

Uffizi per la furmaziun media-superiura
Uffizi per la scola populara ed il sport

<http://www.ahb.gr.ch>
<http://www.avs.gr.ch>

Adressas da website da las scolas medias grischunas:

Academia Engiadina Samedan	http://www.academia-engiadina.ch
Scola chantunala grischuna	http://www.bks-campus.ch
Scola media evangelica Schiers	http://www.ems-schiers.ch
Institut Otalpin Ftan	http://www.hif.ch
Scola claustrala Mustér	http://www.kloster-disentis.ch
Lyceum Alpinum Zuoz	http://www.lyceum-alpinum.ch
Scola media svizra alpina Tavau	http://www.samd.ch